

12.februar 2015

Inatsisartut suleriaasianni § 37 naapertorlugu matumuuna Naalackersuisunut imaattumik apeqquiteqaateqarpunga:

**Apeqqutit:**

- 1. Naalackersuisut isumaqarpat kissarsuutit qisuttortakkat (pejs) pillugit ikkussuinermi isumannaallisaanikkut pujoorfiatalu takissusissaanut piunasaqaatiliortutik inatsisiliornissamik sulissutiginnittoqartariaqartoq?**
- 2. Naalackersuisut kissarsuutit qisuttortakkat (pejs) atorneqarnerini kingunerluutaasartut/iluaqutissaasullu pillugit innuttaasunut paasissutissiiniarlutik iliuseqarnissamik pilersaaruteqarpat?**
- 3. Naalackersuisut Kalaallit nunaanni kissarsuutit qisuttortakkat (pejs) qanoq atugaatigineri pillugit avatangiisinut sunniutai ilanngullugit misissuinissamik pilersaartuteqarpat?**
- 4. Naalackersuisut kissarsuutit qisuttortakkat (pejs) atuisuinut akitsuusersuinissamik eqqarsaatersuuteqarpat immaqaluunniti sulissuteqarniarlutik pilersaaruteqarpat?**

(Inatsisartuni ilaasorta q Suka K.Frederiksen, Siumut)

**Tungavilersuut:**

Ilisimaneqarpoq nunatsinni kissarsuutit qisuttortakkat atorneqarneri annertusigaluttuinnartut, tamannalu sumiiffinni najugaqarfinni eqqaamiuinut annertuumik pujulerrnerannit peqqinnanngitsumik sunniuteqartarpoq.

Igalaat ammatinneqarnissaat ajornarsisarpoq, silaannarlu pitsaangitsumik peqqinnanngitsumillu tipeqalersarluni.

Kissarsuutit qisuttortakkanik kiassarniarnermi nunani allani piunasaqaatit sakkortuut atuutinneqarput. Kissarsuutit qisuttortakkat puja assigiinngitsunik peqqissutsimullu ulorianartorsiortitsinnaasunik akoqarmat, matumani paaq, usserut assigisaallu pineqarlutik. Ilutigalugu kissarsuutit qisuttortakkat akuutissanik assigiinngitsuniik tipilinnik aniatitsisuupput. Inuppassuillu kissarsuutit qisuttortakkat ikumatinnerani tipi ilorrisimaarnermut attuumassuteqartinneq ajorpaat, tamassumalu ilaani kingunerisartagaasa ilagaat sanilerisat errortanik silamut nivinngaajumajunnaarnerat.

Taamaattumik isumaqarpunga pujoorfik ima portutigisumik portussuseqartariaqartoq, puju illumit ajornaquteqanngitsumik tingitaasinnaanngorlugu silaannarmut illunut sanilerisanut ajornartorsiutaajunnaartillugu.

Pujoorfiup qalia qulaallugu portussusaa qaliallu ilusaa putsup pujoorfimmiit tingitaasinnaaneranut taamaalillunilu anorip illut oqquani kaavittuliorneranit pisaritinnginnissaanut apeqqutaasorujussuuvoq.

Soorluttaa q illut eqqaamiut ilusaat portussusaallu sumiinnerallu eqqarsaatigisariaqartoq. Assersuutigalugu qattunermi najugaqaraanni, immaqaluunniit sanilit illuat nammineq illorsisamit protunreuppat pujoorfiup portussusisaanut piumasaqaatit sukannernerupput.

Piumasaqaatigaara apeqquteqaatima ullut suliffiusut 10 iluanni akineqarnissaat.